

O‘ZBEKISTON RESPUBLIKASI VAZIRLAR MAHKAMASINING  
QARORI

**Maktabgacha, umumiy o‘rta, o‘rta maxsus, professional va maktabdan tashqari ta’lim tashkilotlari pedagog kadrlarini attestatsiyadan o‘tkazish tartibi takomillashtirilishi munosabati bilan O‘zbekiston Respublikasi Vazirlar Mahkamasining “Maktabgacha, umumiy o‘rta, o‘rta maxsus, professional va maktabdan tashqari ta’lim tashkilotlari pedagog kadrlarini attestatsiyadan o‘tkazish tartibini takomillashtirish chora-tadbirlari to‘g‘risida” 2021-yil 17-sentabrdagi 572-son qaroriga o‘zgartirish va qo‘shimchalar kiritish haqida**

Pedagog kadrlarning malakasini oshirish, ularning ta’lim berish mahoratini yuqori darajaga ko‘tarish borasida salmoqli ishlar amalga oshirilmoqda. Xususan, pedagoglarni attestatsiyadan o‘tkazish va ularga malaka toifasini berishning avtomatlashtirilgan yangi tizimi joriy etildi.

Shu bilan birga, pedagoglarning ta’lim berish mahoratini yuqori darajaga ko‘tarish hamda ularning bilim darajasini baholashning yanada shaffof va xolis mexanizmlarini joriy etish zarurati yuzaga kelmoqda.

O‘zbekiston Respublikasi Prezidentining “Maktabgacha va maktab ta’limi vazirligi hamda uning tizimidagi tashkilotlar faoliyatini samarali tashkil etish chora-tadbirlari to‘g‘risida” 2023-yil 26-maydagi PF-79-son **Farmoni** hamda “O‘zbekiston — 2030” strategiyasini 2023-yilda sifatli va o‘z vaqtida amalga oshirish chora-tadbirlari to‘g‘risida” 2023-yil 11-sentabrdagi PQ-300-son **qarori** ijrosini ta’minlash, shuningdek, maktabgacha, umumiy o‘rta, o‘rta maxsus, professional va maktabdan tashqari ta’lim tashkilotlari pedagog kadrlarini attestatsiyadan o‘tkazish tizimini takomillashtirish maqsadida Vazirlar Mahkamasi qaror qiladi:

1. Quyidagilar:

a) O‘zbekiston Respublikasi Prezidentining 2023-yil 26-maydagi PF-79-son Farmoni **3-bandida** 2024-yil 1-yanvardan boshlab davlat maktabgacha, umumiy o‘rta va maktabdan tashqari ta’lim tashkilotlari pedagog kadrlariga malaka toifasini berishning yangi tartibi joriy qilinishi, bunda:

malaka toifasini olish bo‘yicha sinovlar bir yilda kamida bir marotaba ikki bosqichda o‘tkazilishi hamda birinchi bosqichda talabgorning mutaxassislik fani va kasb standarti bo‘yicha bilim darajasi, ikkinchi bosqichda — pedagogik mahorati baholanishi;

malaka toifasi berishning yangi tartibi joriy qilinguniga qadar malaka toifasini olish bo‘yicha sinovlarni o‘tkazishga moratoriy joriy etilganligi;

moratoriy davomida pedagog kadrlar navbatdagi malaka toifasini olish sinovlariga jalb etilmasligi hamda ularning malaka toifasini tasdiqlovchi sertifikatning amal qilish muddatini navbatdagi sinovlarga jalb qilinguniga qadar avtomatik ravishda uzaytirish belgilanganligi;

b) O‘zbekiston Respublikasi Prezidentining 2023-yil 11-sentabrdagi PQ-300-son qarori bilan tasdiqlangan “O‘zbekiston — 2030” strategiyasining har bir insonga o‘z salohiyatini ro‘yobga chiqarish uchun munosib sharoitlar yaratish yo‘nalishi bo‘yicha 2023-yilda ishlab chiqiladigan normativ-huquqiy hujjatlar loyihalari **ro‘yxatining** 3-bandida pedagog kadrlarga malaka toifasini berishning yangi tartibini joriy qilish nazarda tutilganligi ma’lumot uchun qabul qilinsin.

2. O‘zbekiston Respublikasi Vazirlar Mahkamasining “Maktabgacha, umumiy o‘rta, o‘rta maxsus, professional va maktabdan tashqari ta’lim tashkilotlari pedagog kadrlarini attestatsiyadan o‘tkazish tartibini takomillashtirish chora-tadbirlari to‘g‘risida” 2021-yil 17-sentabrdagi 572-son **qaroriga ilovaga** muvofiq quyidagilarni nazarda tutuvchi o‘zgartirish va qo‘shimchalar kiritilsin:

maktabgacha, umumiy o‘rta va maktabdan tashqari ta’lim tashkilotlari pedagog kadrlarini attestatsiyadan o‘tkazishni O‘zbekiston Respublikasi Maktabgacha va maktab ta’limi vazirligi tomonidan, o‘rta maxsus va professional ta’lim tashkilotlari pedagog kadrlarini attestatsiyadan o‘tkazishni O‘zbekiston Respublikasi Oliy ta’lim, fan va innovatsiyalar vazirligi tomonidan amalga oshirish;

maktabgacha, umumiy o‘rta va maktabdan tashqari ta’lim tashkilotlari pedagog kadrlarining mutaxassislik fani va kasb standarti bo‘yicha bilim darajasi hamda pedagogik mahoratini, o‘rta

maxsus va professional ta'lim tashkilotlari pedagog kadrlarining pedagogik mahoratini va psixologik tayyorgarligini baholash hamda o'quv fani bo'yicha malakalarini sinovdan o'tkazish tartibi.

3. O'zbekiston Respublikasi Maktabgacha va maktab ta'limi vazirligi hamda Oliy ta'lim, fan va innovatsiyalar vazirligi 2024-yil 1-yanvarga qadar:

maktabgacha va maktab ta'limi sohasi bo'yicha "pedkadr.uzedu.uz" platformasini, o'rta maxsus va professional ta'lim sohasi bo'yicha esa "pedagog.edu.uz" platformasini vazirliklarning budjetdan tashqari tegishli mablag'lari hisobidan ishlab chiqsin;

manfaatdor vazirliklar va idoralar bilan birgalikda "Elektron hukumat" tizimining idoralararo integratsiyalashuv platformasi orqali shaxsga doir ma'lumotlar bo'yicha axborot tizimining ushbu band ikkinchi xatboshisida ko'rsatilgan platformalar bilan integratsiya qilinishini ta'minlasin.

4. O'zbekiston Respublikasi Maktabgacha va maktab ta'limi vazirligi, Oliy ta'lim, fan va innovatsiyalar vazirligi manfaatdor vazirliklar va idoralar bilan birgalikda o'zlari qabul qilgan normativ-huquqiy hujjatlarni bir oy muddatda ushbu qarorga muvofiqlashtirsin.

5. Mazkur qarorning bajarilishini nazorat qilish O'zbekiston Respublikasi maktabgacha va maktab ta'limi vaziri X.U. Umarova hamda oliy ta'lim, fan va innovatsiyalar vazirining birinchi o'rinbosari K.X. Karimov zimmasiga yuklansin.

**O'zbekiston Respublikasining Bosh vaziri A. ARIPOV**

Toshkent sh.,  
2023-yil 29-dekabr,  
692-son

Vazirlar Mahkamasining 2023-yil 29-dekabrda 692-son qaroriga  
ILOVA

**O'zbekiston Respublikasi Vazirlar Mahkamasining "Maktabgacha, umumiy o'rta, o'rta maxsus, professional va maktabdan tashqari ta'lim tashkilotlari pedagog kadrlarini attestatsiyadan o'tkazish tartibini takomillashtirish chora-tadbirlari to'g'risida" 2021-yil 17-sentabrdagi 572-son qaroriga kiritilayotgan o'zgartirish va qo'shimchalar**

1. 2-bandda:

uchinchi va to'rtinchi xatboshilar o'z kuchini yo'qotgan deb hisoblansin;

beshinchi va oltinchi xatboshilar tegishli uchinchi va to'rtinchi xatboshilar deb hisoblansin.

2. Quyidagi mazmundagi 2<sup>1</sup>-band bilan to'ldirilsin:

"2<sup>1</sup>. Belgilab qo'yilsinki, 2024-yil 1-yanvardan boshlab:

maktabgacha, umumiy o'rta va maktabdan tashqari ta'lim tashkilotlari pedagog kadrlarini attestatsiyadan o'tkazish Maktabgacha va maktab ta'limi vazirligi tomonidan, o'rta maxsus va professional ta'lim tashkilotlari pedagog kadrlarini attestatsiyadan o'tkazish Oliy ta'lim, fan va innovatsiyalar vazirligi tomonidan amalga oshiriladi;

pedagog kadrlarni attestatsiyadan o'tkazish va ularga malaka toifasi (lavozim) berish bo'yicha hujjatlarni qabul qilish pedagog kadrlar tomonidan davlat xizmatlari markazlariga borgan holda yoki mustaqil ravishda O'zbekiston Respublikasi Yagona interaktiv davlat xizmatlari portali yoxud tegishliliga bo'yicha Maktabgacha va maktab ta'limi vazirligi hamda Oliy ta'lim, fan va innovatsiyalar vazirligining rasmiy veb-sayti orqali amalga oshiriladi";

3. 3-bandning ikkinchi va uchinchi xatboshilari quyidagi tahrirda bayon etilsin:

"maktabgacha, umumiy o'rta va maktabdan tashqari ta'lim tashkilotlari pedagog kadrlarining mutaxassislik fani va kasb standarti bo'yicha bilim darajasi hamda pedagogik mahoratini, o'rta maxsus va professional ta'lim tashkilotlari pedagog kadrlarining pedagogik mahoratini va psixologik tayyorgarligini baholash hamda o'quv fani bo'yicha malakalarini sinovdan o'tkazish;

davlat xizmatlari markazlari, O'zbekiston Respublikasi Yagona interaktiv davlat xizmatlari portali yoki Maktabgacha va maktab ta'limi vazirligi hamda Oliy ta'lim, fan va innovatsiyalar

vazirligining rasmiy veb-sayti orqali pedagog kadrlarning hujjatlarini onlayn qabul qilish hamda pedagog kadrlarga elektron raqamli imzo bilan tasdiqlangan va QR-kod qo'yilgan elektron shakldagi sertifikat berish”;

4. 5-bandda:

a) **birinchi xatboshidagi** “muassasalari” so‘zi “tashkilotlari” so‘zi bilan almashtirilsin;

b) **ikkinchi xatboshi** “bo‘ysunuvidagi” so‘zidan keyin “o‘rta maxsus va professional” so‘zlari bilan to‘ldirilsin;

v) **uchinchi xatboshidagi** “malakasini” so‘zi “malaka toifasini (lavozimini)” so‘zlari bilan almashtirilsin.

5. Quyidagi mazmundagi 6<sup>1</sup>-band bilan to‘ldirilsin:

“6<sup>1</sup>. Maktabgacha va maktab ta’limi vazirligi:

2025-yil 1-yanvarga qadar pedagog kadrlarni attestatsiyadan o‘tkazish va malaka toifalari berish tizimini xalqaro e’tirof etilgan vakolatli xorijiy tashkilotlarning akkreditatsiyasidan o‘tkazish;

2025-yil 1-yanvardan boshlab pedagog kadrlarga xalqaro standartlar asosida malaka sertifikatini berish hamda sertifikat olgan pedagog kadrlarga bazaviy tarif stavkasining 70 foizi miqdorida ustama haq to‘lash amaliyotini joriy etish choralarini ko‘rsin”.

6. **7-banddagi** “Ta’lim inspeksiyasiga” so‘zlari “Maktabgacha va maktab ta’limi vazirligi hamda Oliy ta’lim, fan va innovatsiyalar vazirligiga” so‘zlari bilan almashtirilsin.

7. 1-ilovada:

a) 2-bandning **uchinchi xatboshisi** quyidagi tahrirda bayon etilsin:

“maktabgacha, umumiy o‘rta va maktabdan tashqari ta’lim tashkilotlari pedagog kadrlarining mutaxassislik fani va kasb standarti bo‘yicha bilim darajasi hamda pedagogik mahoratini, shuningdek, o‘rta maxsus va professional ta’lim tashkilotlari pedagog kadrlarining o‘z fanini bilishi, faoliyati samaradorligi, pedagogik mahorati, psixologik tayyorgarligini o‘rganish va xolisona baho berish hamda ularni rag‘batlantirish”;

b) **8-bandda:**

“a” kichik bandning **birinchi xatboshisidagi** “Maktabgacha ta’lim vazirligi” so‘zlari “Maktabgacha va maktab ta’limi vazirligi” so‘zlari bilan almashtirilsin;

quyidagi mazmundagi “e” kichik band bilan to‘ldirilsin:

“e) pedagogik faoliyat bo‘yicha 25 yil va undan ko‘p ish stajiga ega bo‘lgan hamda yoshga doir pensiyaga chiqishi uchun 5 yildan ko‘p bo‘lmagan vaqt qolgan pedagog kadrlarga — ularning amaldagi malaka toifasi (lavozimi)”;

v) 12-bandning **uchinchi xatboshisi** quyidagi tahrirda bayon etilsin:

“pedagog kadrlarni attestatsiyadan o‘tkazish tartibi bilan tanishtirishi hamda o‘rta maxsus, professional ta’lim tashkilotlari pedagog kadrlari attestatsiyadan o‘tish uchun hujjat topshirish boshlangunga qadar ularning pedagogik mahorati va psixologik tayyorgarligini baholashni tashkil etishi lozim”;

g) **13-band** quyidagi tahrirda bayon etilsin:

“13. Attestatsiyaga doir tashkiliy masalalar Maktabgacha va maktab ta’limi vazirligi hamda Oliy ta’lim, fan va innovatsiyalar vazirligi (keyingi o‘rinlarda — vakolatli vazirliklar), tizimida maktabgacha, umumiy o‘rta, o‘rta maxsus, professional va maktabdan tashqari ta’lim tashkilotlari bo‘lgan vazirliklar va idoralar hamda ta’lim tashkilotlari tomonidan amalga oshiriladi”;

d) **14-banddagi** “Bandlik va mehnat munosabatlari vazirligi” so‘zlari “Kambag‘allikni qisqartirish va bandlik vazirligi” so‘zlari bilan almashtirilsin;

e) 15-bandning **birinchi xatboshisi** quyidagi tahrirda bayon etilsin:

“15. Attestatsiyani o‘tkazishda attestatsiya jarayonini qat’iy nazorat qilish tegishlicha vakolatli vazirliklar tomonidan amalga oshiriladi”;

j) **19-banddagi**, **21** va **24-bandlarning** **ikkinchi xatboshilaridagi**, **43<sup>4</sup>-banddagi** “Ta’lim inspeksiyasining” so‘zlari “vakolatli vazirliklarning” so‘zlari bilan almashtirilsin;

z) **22-band** quyidagi tahrirda bayon etilsin:

“22. Yig‘im summasi quyidagi tartibda taqsimlanadi:

a) davlat xizmatlari markazlari orqali murojaat etilganda, yig‘im summasining:

20 foizi — Adliya vazirligining davlat xizmatlarini rivojlantirish jamg'armasiga;  
0,5 foizi — Raqamli texnologiyalar vazirligi huzuridagi "Elektron hukumat loyihalarini boshqarish markazi" davlat muassasasining Iqtisodiyot va moliya vazirligi huzuridagi G'aznachilik xizmati qo'mitasidagi maxsus hisobvarag'iga;

50 foizi — vakolatli vazirliklarning budjetdan tashqari jamg'armasiga;  
qolgan qismi — Davlat budjetiga o'tkaziladi;

b) Yagona interaktiv davlat xizmatlari portali orqali murojaat etilganda, yig'im summasining:

10 foizi — Adliya vazirligining davlat xizmatlarini rivojlantirish jamg'armasiga;

11,75 foizi (shundan 0,5 foizi — yagona billing tizimi orqali davlat xizmati ko'rsatilganda) — Raqamli texnologiyalar vazirligi huzuridagi "Elektron hukumat loyihalarini boshqarish markazi" davlat muassasasining Iqtisodiyot va moliya vazirligi huzuridagi G'aznachilik xizmati qo'mitasidagi maxsus hisobvarag'iga;

50 foizi — vakolatli vazirliklarning budjetdan tashqari jamg'armasiga;  
qolgan qismi — Davlat budjetiga o'tkaziladi;

v) vakolatli vazirliklarning rasmiy veb-sayti orqali murojaat etilganda, yig'im summasining:

0,5 foizi — Raqamli texnologiyalar vazirligi huzuridagi "Elektron hukumat loyihalarini boshqarish markazi" davlat muassasasining Iqtisodiyot va moliya vazirligi huzuridagi G'aznachilik xizmati qo'mitasidagi maxsus hisobvarag'iga;

20 foizi — Davlat budjetiga;

qolgan qismi — vakolatli vazirliklarning budjetdan tashqari jamg'armasiga o'tkaziladi.

Pedagog kadr attestatsiyadan o'tkazish bo'yicha davlat xizmati ko'rsatilishidan voz kechgan, amaldagi malaka toifasini (lavozimini) himoya qila olmagan va attestatsiyadan o'ta olmagan taqdirda, to'langan yig'im qaytarib berilmaydi.

Pedagog kadrlar uzrli sabablarga ko'ra attestatsiyaga kelmaganligi tufayli ularning attestatsiyasi boshqa muddatga ko'chirilgan taqdirda, yig'im takroran undirilmaydi";

i) 23-bandda:

**birinchi xatboshidagi** "Ta'lim inspeksiyasining" so'zlari "vakolatli vazirliklarning" so'zlari bilan almashtirilsin;

**beshinchi xatboshi** quyidagi tahrirda bayon etilsin:

"pedagog kadrning pedagogik mahorati va psixologik tayyorgarligini baholash natijalari yuzasidan ma'lumotnoma (o'rta maxsus va professional ta'lim tashkilotlari pedagoglari uchun)";

k) 25-bandda:

**ikkinchi xatboshi** quyidagi tahrirda bayon etilsin:

"Pedagog kadrlar tomonidan topshirilgan hujjatning qalbaki ekanligini aniqlash vakolatli vazirliklarda mavjud bo'lgan ma'lumotlar asosida amalga oshiriladi. Mavjud bo'lgan ma'lumotlar asosida pedagog kadrlar tomonidan topshirilgan hujjatlarning haqqoniyligini aniqlash imkoni bo'lmagan taqdirda, tegishli vakolatli tashkilotlarga so'rovnomma yuboriladi";

**uchinchi xatboshidagi** "Ta'lim inspeksiyasi" so'zlari "vakolatli vazirliklar" so'zlari bilan almashtirilsin;

l) 26-bandning **birinchi xatboshidagi** "Ta'lim inspeksiyasi" so'zlari "vakolatli vazirliklar" so'zlari bilan almashtirilsin;

m) 28-banddagi "Ta'lim inspeksiyasiga" so'zlari "vakolatli vazirliklarga" so'zlari bilan almashtirilsin;

n) 29-bandning **birinchi xatboshisi** quyidagi tahrirda bayon etilsin:

"29. Hujjatlar to'liq taqdim etilganda vakolatli vazirliklar tomonidan hujjatlar qabul qilinganligi to'g'risida davlat xizmatlari markaziga yoki Yagona interaktiv davlat xizmatlari portali yoxud vakolatli vazirliklarning rasmiy veb-sayti orqali pedagog kadrlarga xabarnoma yuboriladi";

o) 30-bandning **birinchi xatboshidagi** "Ta'lim inspeksiyasi" va "Ta'lim inspeksiyasining" so'zlari tegishlicha "vakolatli vazirliklar" va "vakolatli vazirliklarning" so'zlari bilan almashtirilsin;

p) 31-band quyidagi tahrirda bayon etilsin:

“31. Pedagog kadrlardan hujjatlarni qabul qilish har yili 1-mart va 1-oktabr sanalarida to‘xtatiladi.

Vakolatli vazirliklar tomonidan maktabgacha, umumiy o‘rta va maktabdan tashqari ta‘lim tashkilotlari pedagog kadrlari uchun mutaxassislik fani va kasb standarti bo‘yicha bilim darajasini aniqlash hamda pedagogik mahoratini baholash, o‘rta maxsus va professional ta‘lim tashkilotlari pedagog kadrlari uchun o‘quv fani bo‘yicha malaka sinovlarini (keyingi o‘rinlarda — malaka sinovlari) o‘tkazish shakli hamda jadvali har yili 10-mart va 10-oktabrga qadar tasdiqlanib, ularning rasmiy veb-saytida e‘lon qilinadi, tegishli vazirliklar va idoralarga hamda SMS-xabarnoma orqali pedagog kadrlarga yuboriladi”.

r) quyidagi mazmundagi 31<sup>1</sup>-band bilan to‘ldirilsin:

“31<sup>1</sup>. Malaka sinovlari quyidagi shakllardan biri bo‘yicha o‘tkaziladi:

test sinovlari;

ijodiy;

nazariy (og‘zaki, yozma);

nazariy (og‘zaki, yozma) va amaliy”;

s) 32-bandda:

birinchi va uchinchi xatboshilardagi “Ta‘lim inspeksiyasining” so‘zlari “vakolatli vazirliklarning” so‘zlari bilan almashtirilsin;

to‘rtinchi xatboshidagi “Ta‘lim inspeksiyasi” so‘zlari “Vakolatli vazirliklar” so‘zlari bilan almashtirilsin;

t) 33-band quyidagi tahrirda bayon etilsin:

“33. Pedagog kadrlarni attestatsiyadan o‘tkazish ikki bosqichda amalga oshiriladi hamda ikkita bosqich bo‘yicha umumiy 100 ballik tizimda baholanadi.

Bunda:

maktabgacha, umumiy o‘rta va maktabdan tashqari ta‘lim pedagog kadrlari bo‘yicha birinchi bosqichda — pedagogning mutaxassislik fani va kasb standarti bo‘yicha bilim darajasi, ikkinchi bosqichda — pedagogik mahorati baholanadi;

o‘rta maxsus va professional ta‘lim pedagog kadrlari bo‘yicha birinchi bosqichda — pedagog kadrlarning pedagogik mahorati va psixologik tayyorgarligi baholanadi, ikkinchi bosqichda — o‘quv fani bo‘yicha bilim darajasi baholanadi”;

u) 34-bandda:

birinchi xatboshi quyidagi tahrirda bayon etilsin:

“34. O‘rta maxsus va professional ta‘lim tashkiloti pedagog kadrlarining birinchi bosqichda pedagogik mahorati va psixologik tayyorgarligi ta‘lim tashkilotining pedagogik (kuzatuv) kengashlari tomonidan o‘rganiladi hamda mazkur Nizomga 5-ilovaga muvofiq baholash mezonlari asosida 20 ballik tizimda baholanadi”;

to‘rtinchi xatboshidagi “Ta‘lim inspeksiyasiga” so‘zlari “Oliy ta‘lim, fan va innovatsiyalar vazirligiga” so‘zlari bilan almashtirilsin;

f) quyidagi mazmundagi 34<sup>1</sup>-band bilan to‘ldirilsin:

“34<sup>1</sup>. Maktabgacha, umumiy o‘rta va maktabdan tashqari ta‘lim tashkilotlari pedagog kadrlari uchun attestatsiyaning birinchi bosqichida — pedagogning mutaxassislik fani va kasb standarti bo‘yicha bilim darajasini aniqlash maqsadida 40 ta test topshirig‘i beriladi.

Har bir to‘g‘ri bajarilgan test topshirig‘i 2 ball bilan baholanib, test sinovlari uchun jami 80 ball beriladi”;

x) 35-band quyidagi tahrirda bayon etilsin:

“35. Maktabgacha, umumiy o‘rta va maktabdan tashqari ta‘lim tashkilotlari pedagog kadrlari uchun ikkinchi bosqichda — pedagogik mahoratni aniqlash maqsadida ilg‘or pedagogik uslub va texnologiyalarni (“case study” uslubi, loyihalar uslubi, hamkorlikda o‘qitish, “amaliy o‘yin”, interfaol ta‘lim uslubi va boshqalar) qo‘llash bo‘yicha 10 ta topshiriq beriladi. Har bir to‘g‘ri berilgan javob 2 ball bilan baholanib, jami 20 ball beriladi.

O‘rta maxsus va professional ta‘lim tashkilotlari pedagog kadrlari uchun ikkinchi bosqichda — pedagogning o‘quv fani bo‘yicha bilim darajasini aniqlash uchun 40 ta test topshirig‘i beriladi.

Har bir to'g'ri bajarilgan test topshirig'i 2 ball bilan baholanib, test sinovlari uchun jami 80 ball beriladi”;

ts) 36-band quyidagi tahrirda bayon etilsin:

“36. Pedagog kadrlar uchun malaka sinovlari har yili mart — may hamda oktyabr — noyabr oylarida vakolatli vazirliklar tomonidan o'tkaziladi.

Malaka sinovlari sanitariya qoidalari, normalari va gigiyena normativlariga, texnika va yong'in xavfsizligi qoidalariga qat'iy rioya qilgan holda o'tkaziladi.

Umumiy o'rta, o'rta maxsus va professional ta'lim tashkilotlarining kamida S1 darajadagi milliy yoki unga mos darajadagi xalqaro sertifikatga ega chet (ingliz, fransuz, nemis, ispan, italyan, arab, xitoy, yapon, koreys, turk, fors, pushtu, dari, urdu, hind) tili fani o'qituvchilariga navbatdagi majburiy attestatsiyada mutaxassislik fani va kasb standarti bo'yicha bilim darajasini aniqlash hamda o'quv fani bo'yicha malaka sinovidan maksimal 80 ball beriladi hamda ular ushbu malaka sinovidan ozod etiladi”;

ch) 37-bandda:

birinchi xatboshidagi “O'quv fani” so'zlari “Mutaxassislik fani va kasb standarti bo'yicha bilim darajasini aniqlash hamda o'quv fani” so'zlari bilan almashtirilsin;

beshinchi va oltinchi xatboshilar quyidagi tahrirda bayon etilsin:

“Mutaxassislik fani va kasb standarti bo'yicha bilim darajasini aniqlash hamda o'quv fani bo'yicha malaka sinovlari chet tili fani o'qituvchilari uchun tinglab tushunish, o'qish, yozish va gapirish ko'nikmasini baholashga qaratilgan ijodiy sinovlar shaklida o'tkaziladi.

Mutaxassislik fani va kasb standarti bo'yicha bilim darajasini aniqlash hamda o'quv fani bo'yicha malaka sinovlari chet tili fani o'qituvchilari, madaniyat va san'atga, jismoniy tarbiya va sportga ixtisoslashtirilgan ta'lim tashkilotlari pedagog kadrlari hamda ta'lim tashkilotlarining jismoniy tarbiya fani o'qituvchilari uchun test sinovlari shaklida ham tashkil etilishi mumkin”;

sh) 38-bandning birinchi xatboshisidagi “Ta'lim inspeksiyasi” so'zlari “vakolatli vazirliklar” so'zlari bilan almashtirilsin;

e) 42-bandning birinchi xatboshisidagi “O'quv fanidan malaka” so'zlari “Malaka” so'zi bilan almashtirilsin;

yu) 43-bandning birinchi — uchinchi xatboshilaridagi, 43<sup>2</sup>-bandning birinchi xatboshisidagi “Ta'lim inspeksiyasi” so'zlari “vakolatli vazirliklar” so'zlari bilan almashtirilsin;

ya) 43<sup>7</sup>-banddagi “Ta'lim inspeksiyasi” so'zlari “Vakolatli vazirliklar” so'zlari bilan almashtirilsin;

ya<sup>1</sup>) 43<sup>10</sup>-bandning birinchi xatboshisidagi “o'quv (maxsus) fani bo'yicha” so'zlari chiqarib tashlansin;

ya<sup>2</sup>) 45-banddagi “attestatsiyaning biror bosqichida” so'zlari “attestatsiyada” so'zi bilan almashtirilsin;

ya<sup>3</sup>) 47-bandda:

birinchi xatboshi quyidagi tahrirda bayon etilsin:

“47. Attestatsiya yakunlanganidan so'ng bir oy muddatda vakolatli vazirliklar rahbarining buyrug'i (qarori) bilan attestatsiya natijalariga ko'ra oliy, birinchi va ikkinchi malaka toifalari hamda bosh, yetakchi va katta o'qituvchi lavozimlari berilgan pedagog kadrlarning ro'yxati tasdiqlanadi hamda ro'yxatga asosan pedagog kadrlarga mazkur Nizomga 9-ilovaga muvofiq shakldagi QR-kod qo'yilgan elektron shakldagi sertifikatlar (keyingi o'rinlarda — sertifikat) vakolatli vazirliklarning rasmiy veb-sayti orqali onlayn generatsiya qilinadi”;

ikkinchi va uchinchi xatboshilardagi “Ta'lim inspeksiyasining” so'zlari “vakolatli vazirliklarning” so'zlari bilan almashtirilsin;

ya<sup>4</sup>) 52-band quyidagi tahrirda bayon etilsin:

“52. Apellatsiya komissiyasi attestatsiya boshlangandan keyin o'n kun ichida vakolatli vazirliklar rahbarlarining buyrug'iga (qaroriga) ko'ra yetti kishidan iborat tarkibda tuziladi.

Apellatsiya komissiyasi tarkibi vakolatli vazirliklar rahbarining o'rinbosari (komissiya raisi), sohaga mas'ul tarkibiy bo'linmasi rahbari (komissiya raisi o'rinbosari), vakolatli vazirlik

xodimlari (bir nafari — komissiya kotibi), kasaba uyushmasi vakili hamda xodimlaridan iborat bo‘ladi.

Apellatsiya komissiyasiga murojaat qilish yozma ravishda yoki vakolatli vazirlikning rasmiy veb-sayti orqali elektron tarzda amalga oshiriladi”;

ya<sup>5</sup>) 53-bandda:

**birinchi xatboshi** “buyruqda” so‘zidan keyin “(qarorda)” so‘zi bilan to‘ldirilsin;

**ikkinchi xatboshidagi** “Ta’lim inspeksiyasining” so‘zlari “vakolatli vazirliklarning” so‘zlari

bilan almashtirilsin;

ya<sup>6</sup>) 61-band quyidagi tahrirda bayon etilsin:

“61. Vakolatli vazirlik hamda manfaatdor vazirliklar va idoralarning qo‘shma qarori, vakolatli vazirliklarning buyrug‘i (qarori) yoki apellatsiya komissiyasi qarori yuzasidan pedagog kadrlar qonunchilik hujjatlarida belgilangan tartibda sudga shikoyat qilishi mumkin”;

ya<sup>7</sup>) 1-ilovaning **matni** quyidagi tahrirda bayon etilsin:

**“Maktabgacha, umumiy o‘rta, o‘rta maxsus, professional va maktabdan tashqari ta’lim tashkilotlari pedagog kadrlarining attestatsiyasini tashkil etish va o‘tkazish**

**SXEMASI**

Bosqichlar	Ijrochilar	Tadbirlar	Muddatlar
1-bosqich	<p>Ta’lim tashkilotlari</p> <p>Vakolatli vazirliklar, manfaatdor vazirliklar va idoralar</p>	<p>Pedagog kadrlarni attestatsiyadan o‘tkazish tartibi bilan tanishtirish, pedagog kadrlarning pedagogik mahorati va psixologik tayyorgarligini baholash hamda baholash natijalari yuzasidan ma’lumotnomani ularga taqdim etish.</p> <p>Madaniyat va san’at, jismoniy tarbiya va sportga ixtisoslashtirilgan ta’lim tashkilotlari pedagog kadrlari, shuningdek, ta’lim tashkilotlari jismoniy tarbiya fani o‘qituvchilari uchun ijodiy, nazariy va amaliy sinovlarni o‘tkazadigan ishchi guruhlar tarkibini tasdiqlash.</p>	<p>Har yili aprel — iyul va sentyabr — dekabr oylarida</p> <p>Har yili 1-fevral va 1-sentabr gacha qadar</p>
2-bosqich	<p>Pedagog kadrlar, davlat xizmatlari markazlari, vakolatli vazirliklar</p> <p>Vakolatli vazirliklar</p> <p>Vakolatli vazirliklar, manfaatdor vazirliklar va idoralar</p>	<p>Attestatsiyadan o‘tish uchun pedagog kadrlar tomonidan davlat xizmatlari markazlari yoki Yagona interaktiv davlat xizmatlari portali yoxud vakolatli vazirliklar rasmiy veb-sayti orqali hujjat topshirish.</p> <p>Pedagog kadrlarning mutaxassislik fani va kasb standarti bo‘yicha bilim darajasini baholash hamda pedagogik mahoratini aniqlash, o‘quv fani bo‘yicha malaka sinovlaridan o‘tkazish.</p> <p>Madaniyat va san’at, jismoniy tarbiya va sportga ixtisoslashtirilgan ta’lim tashkilotlari pedagog kadrlari, shuningdek, ta’lim tashkilotlari jismoniy tarbiya fani o‘qituvchilari uchun ijodiy, nazariy va amaliy sinovlarni o‘tkazish va baholash.</p>	<p>Har yili yanvar-fevral va avgust-sentyabr oylarida</p> <p>Har yili mart — may, oktyabr — noyabr oylarida</p> <p>Har yili mart — may, oktyabr — noyabr oylarida</p>

<b>3-bosqich</b>	<p>Vakolatli vazirliklar</p> <p>Iqtisodiyot va moliya vazirligi</p>	<p>Amaldagi malaka toifasi (lavozimi) saqlangan va oshirilgan pedagog kadrlarning ro'yxatini tasdiqlash hamda elektron shakldagi sertifikatlarni vakolatli vazirliklarning rasmiy veb-sayti orqali onlayn generatsiya qilish.</p> <p>Yangidan tasdiqlangan malaka toifalari yoki lavozimlarga asosan pedagog kadrlarning oylik ish haqlarini qayta hisob-kitob qilish.</p>	<p>Har yili iyun va dekabr oylarida</p> <p>Har yili 1-iyulga va 1-yanvarga qadar</p>
<b>4-bosqich</b>	<p>Apellatsiya komissiyasi</p> <p>Apellatsiya komissiyasi</p>	<p>Attestatsiya natijalaridan norozi bo'lgan pedagog kadrlarning murojaatlarini ko'rib chiqish.</p> <p>Apellatsiya komissiyasi qarori nusxasini murojaat etuvchi pedagog kadrqa taqdim etish.</p>	<p>Murojaat qilingan paytdan boshlab 10 kunda</p> <p>Komissiya qarori chiqqan paytdan boshlab 5 kunda</p>

”;

ya<sup>8</sup>) 2-ilovaning “II. So‘rovnoma ilova qilinadigan hujjatlar” bo‘limi 3-bandi quyidagi tahrirda bayon etilsin:

“3. Pedagog kadrning pedagogik mahorati va psixologik tayyorgarligini baholash natijalari yuzasidan ma’lumotnoma (o‘rta maxsus va professional ta’lim tashkilotlari pedagoglari uchun)”;

ya<sup>9</sup>) 4-ilovaning **matni** quyidagi tahrirda bayon etilsin:

**“Pedagog kadrning attestatsiyadan o‘tganligi to‘g‘risidagi sertifikatning**

### **DAVLAT NAMUNASI**

#### **O‘zbekiston Respublikasi Davlat gerbi**

(sertifikatni berishga vakolatli vazirlik nomi)

### **PEDAGOG KADRG A TO‘G‘RIDAN TO‘G‘RI BERILGAN MALAKA TOIFASI (LAVOZIMI) TO‘G‘RISIDA SERTIFIKAT**

Sertifikat seriyasi

Sertifikat raqami

Pedagog kadr to‘g‘risida ma’lumot:

Pedagog kadrning shaxsiy kodi:

Familiyasi  Ismi  Otasining ismi

Tugʻilgan vaqti  Ish joyi

Tayyorlov yoki taʼlim yoʻnalishi, mutaxassislik yoxud ixtisoslik nomi

Toʻgʻridan toʻgʻri malaka toifasi (lavozim)ni berish uchun asos (Nizomning 8-, 9- yoki 10-bandlaridagi holatlaridan biri koʻrsatiladi)

Toʻgʻridan toʻgʻri berilgan malaka toifasi yoki lavozim

Berilgan sana  Amal qilish muddati

Sertifikatni imzolagan shaxs

QR — kod”;

ya<sup>10</sup>) 9-ilovaning **matni** quyidagi tahrirda bayon etilsin:

**“Pedagog kadrning attestatsiyadan oʻtganligi toʻgʻrisidagi sertifikatning**

**DAVLAT NAMUNASI**

**Oʻzbekiston Respublikasi Davlat gerbi**

(sertifikatni berishga vakolatli vazirlik nomi)

**PEDAGOG KADRNING ATTESTATSIYADAN OʻTGANLIGI TOʻGʻRISIDA  
SERTIFIKAT**

Sertifikat seriyasi  Sertifikat raqami

Pedagog kadr toʻgʻrisida maʼlumot:

Pedagog kadrning shaxsiy kodi:

Familiyasi  Ismi  Otasining ismi

Tugʻilgan vaqti  Ish joyi

Tayyorlov yoki taʼlim yoʻnalishi, mutaxassislik yoxud ixtisoslik nomi

Attestatsiya natijasida toʻplangan ball:

Birinchi bosqich boʻyicha bilim darajasini baholash natijasi

Ikkinchi bosqich boʻyicha bilim darajasini baholash natijasi

Jami toʻplangan ball

Attestatsiya natijasida berilgan malaka toifasi yoki lavozim

Berilgan sana  Amal qilish muddati

Sertifikatni imzolagan shaxs

QR — kod”;

*(Qonunchilik maʼlumotlari milliy bazasi, 29.12.2023-y., 09/23/692/0997-son)*